

Prof.dr. Rizah Avdić,

Predsjednik Komisije za pripremu prijedloga za izbor akademskog osoblja, saradnik u zvanju asistent, oblast Temeljne nauke veterinarske medicine na Univerzitetu u Sarajevu - Veterinarskom fakultetu

Sarajevo, 08.03.2019.

Predmet: Izveštaj Komisije za pripremu prijedloga za izbor akademskog osoblja, saradnik u zvanju asistent, oblast Temeljne nauke veterinarske medicine na Univerzitetu u Sarajevu - Veterinarskom fakultetu

NASTAVNO-NAUČNOM VIJEĆU VETERINARSKOG FAKULTETA U SARAJEVU

Uvaženi,

VETERINARSKI FAKULTET SARAJEVO  
SARAJEVO

PRIMLJENO: 08. 3. 2019			
Organizaciona jedinica	Klasifikaciona oznaka	Redni broj	Broj priloga
02-16-117		-14	1/19

U prilogu vam dostavljam Izveštaj Komisije za pripremu prijedloga za izbor akademskog osoblja, saradnik u zvanju asistent, oblast Temeljne nauke veterinarske medicine na Veterinarskom fakultetu u Sarajevu.

S poštovanjem,

Predsjednik Komisije:

  
Prof.dr. Rizah Avdić

**Dr. Rizah Avdić**, redovni profesor, oblast Temeljne nauke veterinarske medicine, Univerzitet u Sarajevu - Veterinarski fakultet, **predsjednik Komisije**

**Dr. Aida Hodžić**, redovni profesor, Temeljne nauke veterinarske medicine, Univerzitet u Sarajevu - Veterinarski fakultet, **član Komisije**

**Dr. Faruk Tandir**, docent, oblast Temeljne nauke veterinarske medicine, Univerzitet u Sarajevu - Veterinarski fakultet, **član Komisije**

**Predmet:** Izvještaj Komisije za pripremu prijedloga za izbor akademskog osoblja na Univerzitetu u Sarajevu – Veterinarskom fakultetu u naučno-nastavno zvanje asistent, oblast Temeljne nauke veterinarske medicine

### **NASTAVNO - NAUČNOM VIJEĆU VETERINARSKOG FAKULTETA U SARAJEVU**

Na osnovu odredbi Okvirnog zakona o visokom obrazovanju, a u vezi sa članom 28. i 34. („Službeni glasnik BiH“, broj: 59/07 i 59/09), a u skladu sa članom 103. Zakona o visokom obrazovanju („Službene novine Kantona Sarajevo“, broj: 33/17), članom 29. i 31. Zakona o naučnoistraživačkoj djelatnosti („Službene novine Kantona Sarajevo“, broj: 26/16) te u skladu sa Ugovorom o sufinansiranju zapošljavanja asistenata i stručnih saradnika na Univerzitetu u Sarajevu po programu „150+“ broj: 04/1-34-01-150+/18 zaključenim 04.05.2018. godine između Službe za zapošljavanje Kantona Sarajevo i Univerziteta u Sarajevu i na osnovu Odluke Senata Univerziteta u Sarajevu broj: 01-3-61/19 od 30. 01. 2019. godine, Nastavno-naučno vijeće Veterinarskog fakulteta u Sarajevu na svojoj II redovnoj sjednici održanoj 28.02.2019. godine donosi odluku broj: 02-16-117-13/19 kojom smo imenovani u Komisiju za pripremu prijedloga za izbor potrebnog akademskog osoblja na Veterinarskom fakultetu Univerziteta u Sarajevu u naučno-nastavno zvanje ASISTENT na oblast Temeljne nauke veterinarske medicine.

Na osnovu uvida u dostavljenu dokumentaciju podnosimo sljedeći:

## IZVJEŠTAJ

Na raspisani Konkurs objavljen u dnevnom listu „Oslobođenje“, kao i na web - stranicama Fakulteta i Univerziteta u Sarajevu dana 04.02.2019. godine, za izbor akademskog osoblja, saradnik u zvanju asistent, oblast **Temeljne nauke veterinarske medicine** - jedan izvršilac, prijavilo se tri kandidatkinje:

1. Amina Bečirević
2. Emina Arnautović
3. Ena Skopljak

### I. Amina Bečirević

Amina Bečirević je rođena 14.09.1994. godine u Sarajevu, Bosna i Hercegovina. Završila je integrirani studijski program prvog i drugog ciklusa dana 12.07.2018. godine na Veterinarskom fakultetu u Sarajevu sa prosječnom ocjenom tokom studija 9,16 i stekla akademsko zvanje Doktor veterinarske medicine sa ukupnim brojem ECTS bodova 300,00. Na osnovu člana 4. Pravilnika o priznanjima i nagradama Univerziteta u Sarajevu dobila je posebno priznanje „Srebrna značka Univerziteta u Sarajevu“ broj: 55/18. Prosječna ocjena predmeta (16 predmeta) iz oblasti Temeljne nauke veterinarske medicine je **9,25**.

Kandidatkinja je uz prijavu dostavila sljedeće dokumente:

- biografiju,
- diplomu (ovjerena kopija - ovjerena 2019. godine),
- dodatak diplomi (ovjerena kopija),
- uvjerenje o završenom integriranom studijskom programu prvog i drugog ciklusa (ovjerena kopija - ovjerena 2019. godine),
- uvjerenje o prepisu ocjena,
- dokaz da je imenovana nosilac priznanja „Srebrna značka UNSA“ 2018. godine, (ovjerena kopija),
- izvod iz matične knjige rođenih,
- uvjerenje o državljanstvu,
- uvjerenje o nezaposlenosti, Javna ustanova „Služba za zapošljavanje“ - Kanton Sarajevo,
- obavještenje o evidenciji prebivališta,
- certifikat o učešću na međunarodnom kongresu „One world – one health – one vision“, 2015,
- certifikat o učešću na međunarodnom kongresu 3<sup>th</sup> International „VetIstanbul Group Congress“ 2016. godine,
- Letter of Confirmation – CEEPUS – Small Animal Clinics, Veterinarski fakultet Ljubljana, 2017. godine,
- Abstract prezentiranog rada pod naslovom „Frequency of mud fever and thrush of the hoof frog in the period from october 2015 until april 2016“, 3<sup>th</sup> International „VetIstanbul Group Congress“ 2016. godine,
- Osim toga, kandidatkinja u svojoj biografiji navodi da je iskusni korisnik engleskog jezika (C1), da se trenutno nalazi na stručnom osposobljavanju na Katedri za hirurgiju i oftalmologiju od 28.10.2018. godine do danas te da vlada vještinama fotografisanja i

konjičkog sporta. Navodi poznavanje rada na računaru, a ne prilaže dokumentaciju o navedenom. Kao student bila je član organizacionog tima kongresa „One world – one health – one vision“ 2015. godine i kongresa 3<sup>th</sup> International „Vet Istanbul Group Congress“ 2016. godine.

Potvrdom broj: 02-16-117-10/19 od 19.02.2019. godine, izdatom od strane Odjeljenja za opće, pravne i personalne poslove potvrđeno je da je prijava kandidatkinje blagovremena i potpuna sa uvjetima utvrđenim u Konkursu.

## II. Emina Arnautović

Emina Arnautović je rođena 22.02.1995. godine u Sarajevu, Bosna i Hercegovina. Završila je integrirani studijski program prvog i drugog ciklusa dana 05.07.2018. godine na Veterinarskom fakultetu u Sarajevu sa prosječnom ocjenom tokom studija 9,03 i stekla akademsko zvanje Doktor veterinarske medicine sa ukupnim brojem ECTS bodova 300,00. Na osnovu člana 4. Pravilnika o priznanjima i nagradama Univerziteta u Sarajevu dobila je posebno priznanje „Srebrna značka Univerziteta u Sarajevu“ broj 58/18. Prosječna ocjena predmeta (16 predmeta) iz oblasti Temeljne nauke veterinarske medicine je 8,56.

Kandidatkinja je uz prijavu dostavila sljedeće:

- diplomu (ovjerena kopija),
- dodatak diplomi (ovjerena kopija),
- uvjerenje o položenim ispitima (ovjerena kopija),
- dokaz da je imenovana nosilac priznanja „Srebrna značka UNSA“ 2018. godine (ovjerena kopija),
- biografiju,
- izvod iz matične knjige rođenih (ovjerena kopija),
- uvjerenje o državljanstvu (ovjerena kopija),
- uvjerenje o nezaposlenosti, Javna ustanova „Služba za zapošljavanje“ - Kanton Sarajevo,
- certifikat o učešću na međunarodnom kongresu „7<sup>th</sup> International congress Veterinary science and profession“ Zagreb, 2017. godine,
- certifikat o učešću na međunarodnom studentskom kongresu „Hrana - Ishrana – Zdravlje“ Sarajevo, 2018. godine,
- certifikat o učešću na međunarodnom kongresu „Eastern European Regional Veterinary Conference“ Zagreb, 2018. godine,
- certifikat o učešću na naučno stručnom skupu „Egzotične životinje u nauci i praksi“ Sarajevo, 2018. godine,
- pisma preporuke: prof.dr. Nazif Varatanović, doc.dr. Amel Ćutuk, prof.dr. Behija Dukić, Ana Petak, dr.vet.med.,
- Također kandidatkinja u svojoj biografiji navodi da je prvi autor rada „Rezidue lijekova u namirnicama animalnog porijekla“- Treći studentski kongres „Hrana - Ishrana – Zdravlje“ Sarajevo, 2018. godine.

Potvrdom broj: 02-16-117-8/19 od 19.02.2019. godine, izdatom od strane Odjeljenja za opće, pravne i personalne poslove potvrđeno je da je prijava kandidata blagovremena i potpuna sa uvjetima utvrđenim u Konkursu.

### III. Ena Skopljak

Ena Skopljak je rođena 24.06.1992. godine u Travniku, Bosna i Hercegovina. Završila je integrirani studijski program prvog i drugog ciklusa dana 05.07.2018. godine na Veterinarskom fakultetu u Sarajevu sa prosječnom ocjenom tokom studija 9,29 i stekla akademsko zvanje Doktor veterinarske medicine sa ukupnim brojem ECTS bodova 300,00. Na osnovu člana 4. Pravilnika o priznanjima i nagradama Univerziteta u Sarajevu dobila je posebno priznanje „Srebrna značka Univerziteta u Sarajevu“ broj 54/18. Prosječna ocjena predmeta (16 predmeta) iz oblasti Temeljne nauke veterinarske medicine je 7,93.

Kandidatkinja je uz prijavu dostavila sljedeće:

- diplomu (ovjerena kopija),
- dodatak diplomi (ovjerena kopija),
- uvjerenje o položenim ispitima (ovjerena kopija),
- dokaz da je imenovana nosilac priznanja „Srebrna značka UNSA“ 2018. godine (ovjerena kopija),
- biografiju,
- izvod iz matične knjige rođenih (ovjerena kopija),
- uvjerenje o državljanstvu (ovjerena kopija),
- uvjerenje o nezaposlenosti – Javna ustanova „Služba za zapošljavanje“ - Kanton Sarajevo,
- Ugovor o stručnom osposobljavanju bez zasnivanja radnog odnosa sa Veterinarskim fakultetom u Sarajevu u periodu od 15.11.2018. godine do 14.11.2019. godine (Zavod za higijenski nadzor namirnica i zaštitu životne sredine i Zavod za epizootologiju),
- certifikat o završenom kursu „Dijagnostika larvi Trichinella u mesu metodom digestije“ - Katedra za parazitologiju i invazione bolesti, 2018. godine,
- Diploma o poznavanju stranog jezika, Njemački jezik, Poliglot, Sarajevo, 2018. godine,
- preporuka prof.dr. Jasmin Omeragić (motiviranost i učešće u četiri projekta na katedri za Parazitologiju i invazione bolesti).

Potvrdom broj: 02-16-117-9/19 od 19.02.2019. godine, izdatom od strane Odjeljenja za opće, pravne i personalne poslove potvrđeno je da je prijava kandidata blagovremena i potpuna, sa uvjetima utvrđenim u Konkursu.

### PRIJEDLOG SA OBRAZLOŽENJEM

U pripremi prijedloga za izbor akademskog osoblja, saradnik u naučno-nastavnom zvanju asistent, oblast Temeljne nauke veterinarske medicine na Veterinarskom fakultetu u Sarajevu, Komisija je uzela u obzir relevantne podatke o kandidatima, rukovodeći se sljedećim kriterijima:

- zakonske odrednice;
- uspjeh tokom studija koji uključuje prosječnu ocjenu iz svih predmeta;
- priznanja i nagrade Univerziteta u Sarajevu;
- prosječna ocjena iz 16 predmeta koji se izučavaju u oblasti Temeljne nauke veterinarske medicine za koju se bira;
- poznavanje stranih jezika;
- pokazana sklonost za nastavni i naučno-istraživački rad za oblast za koju se bira;
- drugim relevantnim kriterijima za izbor asistenta.

Razmatrajući prijave kandidata, kao i dostavljene dokumente, a na osnovu člana 107. stav 3. i stav 4. Zakona o visokom obrazovanju Kantona Sarajevo (Službene novine Kantona Sarajevo, broj: 33/17) i člana 194. Statuta Univerziteta u Sarajevu, Komisija konstatuje da:

**Amina Bečirević**, doktor veterinarske medicine s obzirom na navedene činjenice koje se odnose na rezultate postignute tokom studija i pokazanim sklonostima prema temeljnim naukama, imenovana je pohađala svih 16 predmeta oblasti Temeljne nauke veterinarske medicine i postigla prosjek 9,25. Za opći uspjeh tokom studija (9,16) nagrađena je Srebrenom značkom Univerziteta u Sarajevu. Aktivno znanje engleskog jezika, učešće na međunarodnim kongresima, naučno priopćenje rada kao i druge relevantne kriterije za izbor asistenta, ispunjava opće uslove za izbor u naučno-nastavno zvanje ASISTENT iz oblasti Temeljne nauke veterinarske medicine koji su predviđeni Zakonom o visokom obrazovanju Kantona Sarajevo i Statutom Univerziteta u Sarajevu.

**Emina Arnautović**, doktor veterinarske medicine s obzirom na navedene činjenice koje se odnose na rezultate postignute tokom studija, a sklonosti prema temeljnim naukama dokazuje pohađanjem 15 predmeta iz oblasti Temeljne nauke veterinarske medicine sa prosjekom 8,56. Izborni predmet iz oblasti Temeljne nauke veterinarske medicine Morfofiziologija domaćih životinja nije izabrala. Za opći uspjeh tokom studija (9,03) nagrađena je Srebrenom značkom Univerziteta u Sarajevu. Kandidatkinja ispunjava opće uslove za izbor u naučno-nastavno zvanje ASISTENT iz oblasti Temeljne nauke veterinarske medicine koji su predviđeni Zakonom o visokom obrazovanju Kantona Sarajevo i Statutom Univerziteta u Sarajevu.

**Ena Skopljak**, doktor veterinarske medicine s obzirom na navedene činjenice koje se odnose na rezultate postignute tokom studija, a sklonosti prema temeljnim naukama dokazuje pohađanjem 14 predmeta iz oblasti Temeljne nauke veterinarske medicine sa prosjekom 7,93. Izborne predmete iz oblasti Temeljnih nauka veterinarske medicine: Laboratorijske životinje i osnove laboratorijske tehnike i Morfofiziologija domaćih životinja nije izabrala. Za opći uspjeh tokom studija (9,29) nagrađena je Srebrenom značkom Univerziteta u Sarajevu. Kandidatkinja ispunjava opće uslove za izbor u naučno-nastavno zvanje ASISTENT iz oblasti Temeljne nauke veterinarske medicine koji su predviđeni Zakonom o visokom obrazovanju Kantona Sarajevo i Statutom Univerziteta u Sarajevu.

Imajući u vidu gore navedene činjenice, Komisija smatra da od tri kandidata koji ispunjavaju opće uslove, kandidatkinja

Amina Bečirević, doktor veterinarske medicine, nosilac priznanja „Srebrna značka UNSA“ 2018. godine, pored ispunjavanja općih uslova (ukupan prosjek ocjena tokom studija 9,16), pohađala je sve predviđene predmete iz oblasti Temeljne nauke veterinarske medicine te u odnosu na druga dva kandidata ostvarila najveću prosječnu ocjenu iz predmeta koji se izučavaju u okviru Temeljnih nauka veterinarske medicine 9,16. Aktivno znanje engleskog jezika, pokazane sklonosti za timski rad u toku organizacije naučnih skupova na kojima i aktivno učestvuje prezentacijom naučnog priopćenja. Kao student učestvuje u razmjeni studenata u CEPUS programu.

Komisija jednoglasno predlaže da se Amina Bečirević, doktor veterinarske medicine izabere u zvanje asistenta za oblast Temeljne nauke veterinarske medicine na Veterinarskom fakultetu Univerziteta u Sarajevu.

Članovi Komisije:

  
Prof.dr. Rizah Avdić, predsjednik

  
Prof.dr. Aida Hodžić, član

  
Doc. dr. Faruk Tandir, član